

圖經衍義本草卷之八



御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃廡	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年	十一月十一日



圖經衍義本草卷之八

宋通直郎辨驗藥材寇宗奭編撰

宋太醫助教辨驗藥材許洪校正

草部上品之上

牛膝

懷州



單州



牛膝為君味苦酸平無毒主寒濕痿痺四肢

拘攣膝痛不可屈伸逐血氣傷熱火爛墮胎

療傷中少氣男子又陰消老人失溺補中續絕

填骨髓除腦中痛及腰脊痛婦人月水不通

血結益精利陰氣止髮白久服輕身耐老一

名百倍生河內川谷及臨朐二月八月採根

陰乾惡螢火陰莢龜甲畏白前

圖經曰今江淮閩粵關中亦有之然不及
懷州者爲真春生苗莖高二三尺青紫色
有節如鶴膝又如牛膝狀以此名之○唐
崔元亮海上方治瘡用水煮牛膝根未發
前服○今福州人單用土牛膝根淨洗切
焙乾搗下篩酒煎溫服云治婦人血塊立
效

陶隱居云今出近道蔡州者最長大柔潤
其莖有節似牛膝故以爲名也乃云有雌
雄者莖紫色而節大爲勝爾

日華子云懷州者長白近道蘇州者色紫
外臺秘要治久勞瘡不斷者牛膝一握切
以水六升煮取二升分二服未發前服臨
發又服

聖惠方治氣濕痺腰膝痛用牛膝葉一斤

父一切米三合於豉汁中相和煮作粥和鹽醬

空心食

千金方治婦人小便澀痛牛膝五兩酒三
升煮取一升半去查分作三服

肘後方口舌生瘡牛膝酒漬含漱之○又

方治小便不利莖中痛欲死兼治婦人血
結堅痛牛膝一大把并葉不以多少酒煮
飲之立愈○又治卒暴癥腹中有如石刺
經驗後方治消渴不止下元虛損牛膝五
兩細剉爲抹生地黄汁五升浸晝暴夜浸
汁盡爲度蜜丸如梧桐子大空心溫酒下
三十九丸久服壯筋骨駐顏色黑髮津液自
生
梅師方治胞衣不出牛膝八兩葵子二兩
以水九升煎取三升分三服

孫真人食忌云治牙齒疼痛燒牛膝根灰
致牙齒間○又方治卒得惡瘡人不識者
以牛膝根搗傅之

衍義曰今西京作畦種有長三尺者最佳
與蓂蓉浸酒服益腎竹木刺入肉嚼爛卷

之即出

父一

三

柴胡

溜 州




柴胡

為君味苦平微寒無毒主心腹去腸胃

江寧府

壽州



中結氣飲食積聚寒熱邪氣推陳致新除傷
寒心下煩熱諸痰熱結實育中邪逆五臟間
遊氣大腸停積水脹及濕痺拘攣亦可作浴
湯久服輕身明目益精一名地薰一名山菜
一名茹草葉一名芸蒿辛香可食生洪農川
谷及寬甸二月八月採根暴乾半夏爲之使
惡皂莢畏女苑藜蘆

圖經曰柴胡生洪農山谷及寬甸今關陝
江湖間近道皆有之以銀州者爲勝二月
生苗甚香莖青紫葉似竹葉稍緊亦有似

斜蒿亦有似麥門冬而短者七月開黃花
生丹州結青子與他處者不類根赤色似
前胡而強蘆頭有赤毛如鼠尾獨窠長者
好

藥性論云柴胡能治熱勞骨節煩痛熱氣

父一

四

肩背疼痛宣暢血氣勞乏羸瘦主下氣消
食王時疾內外熱不解單煮服食

陶隱居云博物志云芸蒿葉似邪蒿春秋
有白莢長四五寸香美可食長安及河內
並有之此柴胡療傷寒第一用

孫尚藥方治黃疸柴胡一兩去苗甘草一分右都細剉作一劑以水一椀白茅根一握同煎至七分絞去滓任意時時服一日盡

衍義曰柴胡本經並無一字治方中鮮有不用者嗚呼凡此誤世甚多嘗原病勞有一種真藏虛損復受邪熱邪因虛而致勞故曰勞者牢也當須斟酌的用之如經驗方中治勞熱青蒿煎尤用柴胡正合宜耳服之無不效熱去即須急已若或無熱得

此愈甚雖至死人亦不怨目擊甚多


麥門冬

隨州

陸州

父一

五



麥門冬

為君味甘平微寒無毒主心腹結氣

腸中傷飽胃絡脉絕羸瘦短氣身重目黃心
下支滿虛勞客熱口乾燥渴止嘔吐愈痿躄
強陰益精消穀調中保神定肺氣安五藏令
人肥健美顏色有子久服輕身不老不肌秦
名羊韭齊名愛韭楚名馬韭越名羊著一名
禹葭一名禹餘糧葉如韭冬夏長生生函谷
川谷及堤坂肥土石間久廢處二月三月八
月十月採陰乾地黃車前爲之使惡欸冬苦
瓠畏苦參青蘘

圖經曰崔元亮海上方治消渴丸云偶於

野人處得神驗不可言

藥性論云麥門冬使惡苦美畏木耳能治
熱毒止煩渴主大水面目支節浮腫下水
治肺痿吐膿主泄精療心腹結氣身黑目
黃心下苦支滿虛勞客熱

日華子云治五勞七傷安魂定魄止渴肥
人時疾熱狂頭痛止嗽

陶隱居云函谷即秦關而麥門冬異於羊
韭之名矣處處有以四月採冬月作實如
青珠根似穠麥故謂麥門冬以肥大者為

好用之湯澤抽去心不爾令人煩

陳藏器云本經方家自有分別出江寧小

潤出新安大白其大者苗如鹿葱小者如

韭葉大小有三四種功用相似其子圓碧

久服輕身明目和車前子乾地黃為丸食

後服之去温瘴變白明目夜中見光

衍義曰麥門冬根上子也治心肺虛執开

虛勞客熱亦可取苗作熟水飲

獨活

州文



化寧



活

疴翔鳳



獨活

味甘平微温無毒主風寒所擊金瘡

止痛實脉癰疽女子疝瘕療諸賊風百節痛
風無久新者久服輕身耐老一名羌活一名
羌青一名護羌使者一名胡王使者一名獨
搖草此草得風不搖無風自搖動生雍州川

父

七

谷或隴西南安二月八月採根暴乾脉實爲
之使

圖經曰獨活羌活出雍州川谷或隴西南
安今用蜀漢出者佳春生苗葉如青麻六
月開花作業或黃或紫結實時葉黃者是

夾石上生葉青者是土脉中生○本經云
二物同一類今人以紫色而節密者爲羌
活黃色而作塊者爲獨活

藥性論云羌活君味苦辛無毒能治賊風
失音不語多痒血癩手足不遂口面喎邪

遍身癢痺

陶隱居云羌活形細而多節軟潤氣息極
猛烈出益州北部西川爲獨活色微白形
虛大爲用亦相似而小不如其一莖直上
不爲風搖故名獨活至易蛀宜密器藏之

唐本註云療風宜用獨活兼水宜用羌活
日華子云羌活治一切風并氣筋骨拳攣
四肢羸劣頭旋明目赤目疼及伏梁水氣
五勞七傷虛損令氣骨節痠疼通利五藏
獨活即是羌活母類也

千金方治中風通身令口噤不知人獨活
四兩好酒一升煎取半升分溫再服
必效方治產後腹中絞刺疼痛羌活二兩
酒二升煎取一升去滓爲二服
小品方治產後風虛獨活湯主之又白癩

漢州

皮湯主之亦可與獨活合白麩皮各三兩
水三升煮取一升半分三服○又方治產
後中風語澁四肢拘急羌活三兩為末每
服五錢水酒各半盞煎去滓溫服
文潞公云治牙齒風上攻腫痛獨活地黃

久一

八

各三兩末每服三錢水一盞煎溫服

升麻



州 滁

升麻

味甘苦平微寒無毒主解百毒殺百精



老物殃鬼辟温疫瘴氣邪氣蠱毒入口皆吐
出中惡腹痛時氣毒癘頭痛寒熱風腫諸毒
疾痛口瘡久服不天輕身長年一名周麻生
益州山谷二月八月採根日乾

圖經曰今蜀漢陝西淮南州郡皆有之以

蜀川者為勝春生苗高三尺以來葉似麻
葉並青色四月五月著花似粟穗白色六
月以後結實黑色根紫如蒿根多鬚令醫
家以治咽喉腫痛口舌生瘡解傷寒頭痛
凡腫毒之屬細剉一兩水一升煎鍊取濃

又

九

汁服之入口即止止毒氣蜀人多用之

藥性論云蜀升麻主治小兒風驚癇時氣

熱疾能治口齒風蠶腫疼牙根浮爛惡臭

熱毒膿血除心肺風毒熱壅閉不通口瘡

煩悶療癰腫豌豆瘡水煎綿沾拭瘡上王

百邪鬼魅

陶隱居云舊出寧州者第一形細而黑極
堅實頃無復有今惟出益州好者細削皮
青綠色謂之雞骨升麻北部間亦有形又
虛大黃色建平間亦有形狀味薄不堪用

雷公云採得了刀刮上面麤皮薰了用黃
精自然汁浸一宿出暴乾細剉蒸了暴乾
用之

日華子云安魂定魄并鬼附帝泣遊風腫
毒口氣疔瘰又名落新婦

聖惠方治小兒斑瘡及豆瘡心躁眠臥不安用川升麻一味不計多少細剉水一盞煎去滓取汁以綿露汁洗拭瘡癩上

千金翼方治產後惡血不盡或經月半歲升麻三兩清酒五升煮取二升半分溫再

服

梅師方治時行病發瘡升麻五兩以水和蜜二味同煎三沸半服半傅瘡

姚和衆方小兒尿血蜀升麻五分水五合煎取一合去滓一歲兒一日服盡

肘後方喉痺升麻劉舍之喉塞亦然

車前子

州 滁



父一

十

車前子味甘鹹寒無毒主氣癰止痛利水道

小便除濕痺男子傷中女子淋瀝不欲食養
肺強陰益精令人有子明目療赤痛久服輕
身耐老葉及根味甘寒主金瘡止血衄鼻瘀
血血瘕下血小便赤止煩下氣除小蟲一名

當道一名茱萸一名蝦蟇衣一名牛遺一名
勝寫生真定平澤丘陵阪道中五月五日採
陰乾

圖經曰今江湖淮甸近京北地處處有之
春初生苗葉布地如匙面累年者長及尺

餘如鼠尾花甚細青色微赤結實如葶藶
赤累色駐景丸用車前兔絲二物蜜丸食
下服方今以爲奇方

藥性論云車前子君味甘平能去風毒肝
中風熱毒風衝眼目赤痛障翳腦痛淚出

歷丹石毒去心胃煩熱葉主泄精病治尿
血能補五藏明目利小便通五淋

日華子云常山為使通小便淋澀壯陽治
脫精心煩下氣

禹錫云謹按爾雅云茱萸馬舄馬舄車前

注今車前草大葉長穗好生道邊江東呼

為蝦蟇衣疏引陸機疏云馬舄一名車前

一名當道喜在牛跡中生故曰車前當道

也幽州人謂之一舌草可驚作茹大滑其

子治婦人產難

外臺秘要治尿血車前草搗絞取汁五合
空心服之

聖惠方治久患內障眼車前子乾地黃麥
門冬等分爲末蜜丸如梧桐子大服屢試
有效

百一方小便不通車前子草一斤水三升
煎取一升半分三服○又方治石淋車前
子二升以絹囊盛水八升煮取三升不食
盡服之須臾石下

梅師方治姪娘患淋水道熱不通車前子

五兩葵根切一升同以水五升煎取升半
作二服

子母祕錄治橫生不得出車前子末酒服
二錢七

治瀉方歐陽文忠公嘗得暴下國醫不能

愈夫人云市人有此藥三文一貼甚效夫
人買之以國醫藥雜進之一服而愈後召
賣藥者問其方但用車前子一味為末
飲下二錢七云利水道

衍義曰車前陶隱居云其葉搗取汁服療

洩精大誤矣此藥甘滑利小便走泄精氣
經云主小便赤下氣有人作菜食小便不
禁幾為所誤

木香

廣

州

安

州



木香

味辛溫無毒主邪氣辟毒疫溫鬼強志
主淋露療氣劣肌中偏寒主氣不足消毒殺
鬼精物溫瘡蠱毒行藥之精久服不夢寤
寤輕身致神仙一名蜜香生永昌山谷

圖經曰惟廣州船上有來者他無所出陶

隱居云江淮間亦有此種名上青木香不

堪入藥用修養書云正月一日取五木黃

湯以浴令人至老鬚髮黑

藥性論云木香君治女人血氣刺心心痛

不可忍末酒服之治九種心痛積年冷氣

疰癍癥塊脹痛逐諸擁氣上衝煩悶治霍亂吐瀉心腹疴刺

唐本注云此有二種當以崑崙來者為佳出西湖來者不善葉似羊蹄而長大花如菊花其實黃黑所在亦有之今按別本注

父一

十三

云葉似署蘋而根大花紫色功多為藥之要用陶云不入藥非

日華子云治心腹一切氣止瀉霍亂痢疾安胎健脾胃消食療羸瘦膀胱冷痛嘔逆反

胃

蕭炳云崑崙般上來形如枯骨者良

禹錫云謹按蜀本云今苑中種之花黃苗
高三四尺葉長八九寸皺軟而有毛
隋書云樊子蓋為武威太守車駕西巡將
入吐谷渾子蓋以彼多瘴氣獻青木香以

禦霧露

海藥云謹按山海經云生東海崑崙山

外臺祕要療腋臭方醃醋浸青木香置腋
下夾之即愈

傷寒類要天行熱病若發赤黑斑如瘀青

木香二兩水二升煮取一升頓服之效
衍義曰木香專泄決胃腹間滯塞冷氣他
則次之得楠皮肉豆蔻生薑相佐使絕佳
效尤速又一種嘗自岷州出塞得生青木
香特歸西路葉如牛蒡但狹長莖高三四
尺花黃一如金錢其根則青木香也生嚼
之極辛香尤行氣

薏苡人



薏苡人

味甘微寒無毒主筋急拘攣不可屈
伸風濕痺下氣除筋骨邪氣不仁利腸胃消
水腫令人能食久服輕身益氣其根下二蟲
一名解蠹一名屋茨一名起實一名賴生真

定平澤及田野父一八月採實採根無時十四

圖經曰薏苡人生真定平澤及田野今所
在有之春生苗莖高三四尺葉如黍開紅
白花作穗子五月六月結實青白色形如
珠子而梢長故名薏珠子小兒多以綿穿

如貫珠為戲古方大抵心肺藥多用之葛
洪治卒心腹煩滿又曾脅痛者剉根濃煮
汁服三升乃定今人多取葉為飲香張仲
景治風濕身煩疼日晡劇者與麻黃杏仁
薏苡人湯麻黃三兩杏仁三十枚甘草薏
苡人各一兩四物以水四升煮取二升分
溫再服

陶隱居云真定縣屬常山郡近道在處有
多生人家交趾者子最大彼土呼為幹珠
馬援大取將還人讒以為真珠也實重累

者為良用之取中人今小兒病虵蟲取根
煮汁作糜食之甚香而去虵蟲大驗

陳藏器餘云主消渴熱虵蟲根煮服墮胎
雷公曰凡使物用穢米顆大無味其穢米
時人呼為粳穢是也若薏苡人顆小色青

父一

十五

味甘咬著粘人齒大用一兩以糯米二兩
同熬令糯米熟去糯米取使若更以鹽湯
煮別是一般修制亦得

禹錫云謹按藥性論云能治熱風筋脉攣
急能令人食主肺痿肺氣吐膿血欬嗽涕

唾上氣

孟詵云性平去乾濕脚氣大驗

食醫心鏡云治筋脉拘攣久風濕痺下氣除骨中和氣利腸胃消水腫久服輕身益氣力薏苡人一升搗為散每服以水二升

糞兩匙末作粥空腹食之

梅師方肺疾唾膿血取薏苡人十兩杵碎

以水三升煎取一升入酒少許服之

衍義曰薏苡人此李高隱大倉銘中所謂

薏苡似珠不可不虞者也取人用本經云

齊州



澤瀉

微寒主筋急拘攣拘攣有兩等素問注中
大筋受熱則縮而短縮短故攣急不伸此
是因熱而拘攣也故可用薏苡人若素問
言因寒即筋急者不可更用此也

澤瀉味甘鹹寒無毒主風寒濕痺乳難消水

父一

十六



養五藏益氣力肥健補虛損五勞除五藏痞
滿起陰氣止洩精消渴淋瀝逐膀胱三焦停
水久服耳目聰明不肌延年輕身面生光能
行水上扁鵲云多服病人眼一名水瀉一名
及瀉一名芒芋一名鵠瀉生汝南池澤五月

六月八月採根陰乾畏海蛤文蛤。葉味鹹
無毒主大風乳汁不出產難強陰氣久服輕
身五月採。實味甘無毒主風痺消渴益腎
氣強陰補不足除邪濕久服面生光令人無
子九月採

圖經云澤瀉生汝南池澤今山東河陝江
淮亦有之以漢中者爲佳春生苗多有淺
水中葉似牛舌草獨莖而長秋開白花作
叢似穀精草五月六月八月採根陰乾素
問身熱解墮汗出如浴惡風少氣名曰酒

風治之以澤瀉朮各十分麋銜五分合以
二指撮為後飯後飯者飯後藥先謂之後
飯張仲景治雜病心下有支飲苦冒澤瀉
湯主之澤瀉五兩朮二兩水二升煎取半
升分溫再服治傷寒有大小澤瀉湯五卷

又二

十七

散輩皆用澤瀉行利停水為最

藥性論云澤瀉君味苦能主腎虛精自出

治五淋利膀胱熱宣通水道

陶隱居云汝南郡屬豫州近道亦有不堪

用惟用漢中南鄭青弋形大而長尾間必

有兩歧爲好此物易朽蠹常須密藏之葉
狹長叢生諸淺水中仙經服食斷穀皆用
之身輕能步行水上

日華子云治五勞七傷主頭旋耳虛鳴筋
骨攣縮通小腸止遺瀝尿血催生難產補

女人血海令人有子葉壯水藏下乳通血
脉

經驗方常服澤瀉皂莢水煮爛焙乾爲末
鍊蜜爲丸如桐子大空心以溫酒下十五
丸至二十丸甚妙治腎藏風生瘡尤良

衍義曰澤瀉其功尤長於行水張仲景八
味丸用之者亦不過引接桂附等歸就腎
經別無他意凡服澤瀉散人未有不小便
多者小便既多腎氣焉得復實令人止瀉
精多不敢用

薯蕷



明州

除州

薯蕷

味甘温平無毒主傷中補虛羸除寒熱

父一

十八



邪氣補中益氣力長肌肉主頭面遊風風頭
眼眩下氣止腰痛補虛勞羸瘦充五藏除煩
熱強陰久服耳目聰明輕身不飢延年一名
山芋秦楚名玉延鄭越名土諸生蒿高山谷
二月八月採根暴乾紫芝為之使惡甘遂

圖經曰北都四明者為佳春生苗蔓延籬
山援莖紫色葉青有三尖角似牽牛更厚而
光澤郭璞注云根似芋可食今江南人單
呼諸語或有輕重耳據此注則薯蕷與諸
乃一種南北之產或有不同故其形類差
別然字音殊儲不同蓋相傳之訛也一名
山芋

藥性論云薯蕷臣能補五勞七傷去冷風
止腰疼鎮心神安魂魄開達心孔多記事
補心氣不足患人體虛羸加而用

陶隱居云今近道在處有東山南江皆多
掘取食之以充糧南康間最大而美服食
亦用

禹錫云謹按吳氏云薯蕷一名諸薯齊越
名山芋一名脩脆一名兒草神農甘小温


父一

十九

桐君雷公甘無毒或生臨胸鍾山始生赤
莖細蔓五月華白七月實青黃八月熟落
根中白皮黃類芋也
食醫心鏡云主下焦虛冷小便數瘦損無
力生芋藥半斤刮去皮以刀切碎研令細

爛於鐺中著酒酒沸下薯蕷不得攪待熟
著鹽葱白更添酒空腹飲三二盞妙
聖惠方補虛損益顏色用薯蕷於砂盆中
細研然後下於鈔中先以酥一大匙熬令
香次旋添酒一盞煎攪令勻空心飲之

堯蔚子



菴蔚子味辛甘微温微寒無毒主明目益精

除水氣療血逆大熱頭痛心煩久服輕身莖
主癰瘰癧可作浴湯一名益母一名益明一
名大扎一名貞蔚生海濱池澤五月採

圖經曰皆云推益母也故曾子見之感恩

劉歆亦謂推臭穢臭穢即菴蔚也廣濟方
療小兒疳痢困垂死者取益母草煮食之
取足差止甚佳又主難產搗取汁七大合
煎半頻服立下無新者以乾者一大握水

七合煎服

陶隱居云今處處有葉如荏方莖子形細長三稜方用亦稀

唐本注云擣茺蔚莖傳丁腫服汁使丁腫毒內消又下子死腹中主產後血脹門諸雜毒腫丹油等腫取汁如豆滴耳中主聾

父一

二十

耳中虺蛇毒傳之良

陳藏器云此草田野間人呼為鬱臭草又按別本注云其子狀如析莫子而梢麤大微有寒蒸作煎及擣絞取汁服之下死胎也

日華子云治產後血脹苗葉同功乃益母
草子也作節節生花如雞冠子黑色九月
採

聖惠方治婦人勤乳痛成癰益母爲末水
調塗乳上一宿自差生搗爛用之亦得

又方治產後血不下益母搗絞汁每服一
小盞入酒一合溫攪勻服

肘後方治婦人一切血病產婦一切傷損
益母草不限多少竹刀切洗淨銀器內鍊
成膏甕器內封之並以酒服之

孫真人方治馬咬方益母草細切和醋炒封之

集驗方治婦人帶下赤白色益母草花開時採搗為末每服二錢食前溫湯調下

丹房鏡源云燒益母灰用麩湯漉燒之偏

父一

二十一

治面上風刺亦制硫黃

衍義曰荒蔚子葉至初春亦可煮作菜食
凌冬不凋悴唐武后曾燒此灰入緊面藥

女萎 亦名 萎蕤

州 滁

州 舒



女萎菘蕤

味甘平無毒主中風暴熱不能動

搖跌筋結肉諸不足心腹結氣虛熱濕毒腰痛莖中寒及目痛皆爛淚出久服去面黑黧好顏色潤澤輕身不老一名熒一名地節一名玉竹一名馬薰生太山山谷及丘陵立春後採陰乾畏鹵鹹

圖經曰郭璞注云藥草也亦無女萎之別名疑別是一物且本經中品又別有女萎條蘇恭云即此女萎今本經朱書是女萎能效里亦字是萎蕤之功觀古方書所用則似差別

藥性論云萎蕤君主時疾寒熱內補不足
去虛勞客熱頭痛不安加而用之良

陶隱居云按本經有女萎無萎蕤別錄無
女萎有萎蕤而爲用正同惟名異爾如此
女萎即應是萎蕤也今處處有其根似黃

父一

三一

精而小異服食家亦用之

日華子云除煩悶止渴潤心肺補五勞七
傷虛損腰脚疼痛天行熱狂服食無忌

雷公云凡使勿用鈎吻并黃精其二物相
似萎蕤只是不同有誤疾人萎蕤節上有

襄州

毛莖斑葉尖處有小黃點採得先用竹刀
刮上節皮了洗淨却以蜜水浸一宿蒸了
焙乾用

蕭炳云萎蕤補中益氣出均州
楊氏產乳方療久痢脫肛不止取女萎切

一斤燒薰之

防葵



防葵

味辛甘苦寒無毒主疝瘕腸洩膀胱熱
結溺不下欬逆溫瘧癩癩驚邪狂走療五藏
虛氣小腹肢滿臚脹口乾除腎邪強志久服
堅骨髓益氣輕身中火者不可服令人恍惚
見鬼一名梨蓋一名房慈一名爵離一名農

父一

二十三

果一名利茹一名方蓋生臨淄川谷及嵩高
太山少室三月三日採根暴乾

圖經曰陶隱居云與狼毒同根但置水不
沉耳今乃用枯朽狼毒當之極為謬矣三
月三日採六月開花即結實採根為藥

唐本注云此藥上品無毒久服主邪氣驚
狂之病其根葉似葵花子根香味似防風
故名防葵採依時者亦能沉水今乃用枯
朽狼毒當之極爲謬矣

陳藏器云按此二物一是上品而陶云防

葵與狼毒根同但置水中不沉爾然此二
物善惡不同形質又別陶旣爲此說後人
因而用之防葵將以破堅積爲下品之物
與狼毒同功今古因循遂無甄別此殊誤
也

雷公云凡使勿誤用狼毒緣真似防葵而
驗之有異效又不同切須審之恐誤疾人
禹錫云謹按藥性論云防葵君有小毒能
治疝氣疝癰氣塊膀胱宿水血氣瘤大如
椀悉能消散治鬼瘧主百邪鬼魅精怪通

外一

二十四

氣

肘後方治顛狂疾防葵末温酒服一斗圭
至二三服身潤又小不仁為候

圖經衍義本草卷之八



